



QVÆSTIO MEDICA,
CARDINALITIIS DISPVATIONIBVS
mane discutienda in Scholis Medicorum,
die Iouis XIII. Martij,
M. GVIDONE PATIN,
DOCTORE MEDICO, ET
Chirurgia Professore, Praside.

Esse longe ac iucunda vitæ tuta certâque parens Sobrietas?



IVERE omnes diu iucundæque volunt, sed ad pervidendum quid eiusmodi vitam efficiat, penè omnes cæcutiunt, adeo nullius rei difficilior, quàm recte vivendi scientia. Vix vlli quàm bene vivant; quàm diu, cuncti curant, cum unicuique integrum sit, vt bene, vt diu, paucis. Sanè hujus vitæ isthmus perbrevis est, ac velut vimbæ transitus: sed nostrâ sæpius, quàm Naturæ culpâ. Ab aliis quidem hæc pro jure suo citius, ab aliis tardius debitum exigit: vt Iudex eos primùm plecti jubet, qui minis flagitii admiscere, sic plerisque innocentissimos, sive hac in parte benignior, sive rigidior, antè cogit mori quàm cæperunt vivere, in ipsòque vitæ apparatu, nihil aliud sinit, quàm lucem prospicere. Aliorum in ipso flore cursum interrumpit, alios adducit ad extremam usque ætatem, quæ quantacumque sit, paucorum annorum circuitus est. Nobis vero tametsi tantum patuit, quantum potuit, rapidè tamen videtur decurrere, quia vel inter errores conteritur: aut nihil, aut aliud, aut malè agentibus elabitur. Pecuniam agrè quis alteri dividat; tempus, cujus vnius honesta avaritia est, & totam propè vitam cuius vltro impendimus: atque ita dissipatam dum terminum providemus, & quota ex parte nostra fuerit, reputamus, brevem fuisse conquerimur. Satis longa foret, si tota bene collocaretur, si plusquam reliquias sanis consiliis destituaremus. Quid quod plerumque nostræ ipsi salutis proditores sumus, & pessimo victus genere sanitati decoquimus? In vitia, pravi, dociles, alter alterum tradimus: & quæ communis est insania, priores malè iter ingressos, pecudum more, non quàm eundem est, sed quàm itur sequendo, alienis perimus exemplis. Sic paucis contingit longa vita, sed & paucioribus adhuc iucunda. Ab hac longè absunt quibus assiduum est cum morbis negotium, qui miseram trahunt animam tot in dies tormenta trahentem. Nescimus quàm multorum sit personata felicitas, quibus inter ærumnas Cor ipsum excedentes, necesse est agere felices. O si Tyrannorum mentes recluderentur,

Editio Tertia.

1648.

A

quanti possent laniatus & ictus aspici! ut corpora verberibus, ita sævitia, libidine, vitionis cupiditate, malis consultis animus dilaceretur! Quàm multi ob id vnum miserissimi, quod ne aliquando miseri sint, semper timent. De grege illo sunt qui totam spirantes Arabiam, auro argentoque ornati, & adinstar parietum suorum extrinsecus culti, intus sanæ mentis hilum non habent: & quos strenua exerceat inertia, ac velut in mari lento tranquillitas iners detinet, vel otium negotiosum, beatò sine dixerit, quisquis sapit? certe hilaris & optima viuendi ratio corporis aninique pace continetur: nec tamen bonis corporis metienda, alioqui pecudis conditio melior quàm hominis. Nuda & ratione defecta vita muscarum ac vermium bonum est, hominis verò, rectè valere & sapere: nec enim verè feliciterque viuimus, nisi cum omni corporis molestia vacui, bonæ menti laboramus: æger est qui corpore validus, minùs valet animo: tunc tantum perfecta sanitas est, cum partis vtriusque veluti iunctorum ad bigas equorum quædam æquabilitas est; neutra incumbit alteri: tanti verò boni cum tam rara sit, quàm fugax possessio, an abs re vita brevis & ingrata iudicatur?

FATA fugiendo incurrimus, & ut alios ocyùs, alios seriùs comprehendant, neminem tamen prætereunt. His vel inuiti colla submitunt qui sibi populos tanto tumultu subiiciunt, nemo impunè refragatur. Omnes quidem simili ratione nascimur: Verùm ut modo dissimili, sic ætate dispari mortem oppetimus: plures immaturi decedunt, ex Naturæ necessitate pauci. Nullus vltra pensum vivit, nec fixum cuique terminum gratia aut industria vltiùs vnquam promouit. Huic ne momentum quidem adiciat ipse Æsculapius, multò minùs auro suo potabili (putabili) Chymista fumivendulus. Sæpe tamen quem interitus diem victus error accelerat, prudens Medicus consiliis suis retardat. Ut quis longissimum vitæ spatium sanus compleat, is necesse est puro sanguine, & copia nativi caloris, humido primigenio probè temperati circumfluat: neque tamen quisquis vtroque abundat, diutissimè viuit: quantùm & id in manu nostra est, modò ne salutarem hunc humorem diripi affatim sinamus, vel obrui. At quia nihil minùs curamus, ferè & ante diem obrepit mors, quæ vbique in insidiis est, juvenibus in propinquo, senibus in limine; scilicet agunt eius negotium multa quæ nos assidue circumstant incommoda, quibus eeu turbulentis externarum procellarum fluctibus iactati huc illuc traducimur: nec minùs fævet, quæ nos ad omnem ictum exponit, innata imbecillitas: nempe frigore, æstu, labore offendimur; ipso rursus situ & otio corrumperimur; non omne cælum ferimus, fames & sitis mortem minantur, nisi remedium adhibeas; cum interim potus & aliment, aquorum modò inopiâ, modò copiâ rumpimur, sapor, odor, vigilia, somnus, & cætera sine quibus moriendum est, non rarò sunt mortifera, ut mirum sit tot iniuriis patere hominem, vix vnus patientem. Sed ut ex his tuti emergamus, quem blandæ voluptatis illecebræ non aliquando irretiunt? aut quem si moderatrix temperantia sedulo conservavit, casus aliquis non obterit? quosdam incautos momèto interimit venenatum animal, perit ille alter Italo perfusus aceto: Hos mare, alios fulmen, alios assumit terra, bello permulti cadunt, & hos bello superstitès, opprimit domus, delet ignis, vsque adeo certæ mortis incertus est dies ac locus, nec ut hanc vitet, vnquam homini satis cautum est in horas. Tot ac tam variis bre-

vioris ævi causis accedunt & multò frequentiores morbi, nostro vtplicuitati vicio nati: hos sequitur languor, & minor annorum numerus, si fortè non sequatur interitus: cuius vbi periculum propiùs admotum est, dum stolidè a diis concurritur, apud quos sua cuique vernalis vita promittitur, magno plerumque mors emitur: pyxidibus quæ titulo ostentant remedia, intus venena, aut vt ferè fit, nihil planè præter muscerdam recondentibus. Ab his vbi crumena, non ægritudo levior facta est, videas ægros Medicorum genua tangentès, suaque omnia, sed seriùs paratos impendere, vt mortis laqueis expediti vivant, & novis vsque suppetant doloribus: ita nos vna catena hîc alligatos tenet, amor vitæ: si tamen aliter quàm nomine vita est, prorsus reipsâ labor, aut lenta mors, tanto plus aloès quàm mellis habet. An verò nihil haberet homo quo has possit abstergere molestias? magnam quidem earum partem facilè declinaremus, nec paucorum annorum, imò & dierum accessionem votis turpiter mendicaremus, si tantum in præcavendis morbis, quantum in iis dum nos exercent, profligandis, operæ poneremus. Sed tanta nos valetudinis negligentia tenet, vt quanti facienda sit, haud aliter quàm perdendo cognoscamus: amissam ægrè recuperaveris, etiamsi adhibeas preces argenteas: vt sine impendiis præsentem retineas, facilis est & compendiaria via, modò bonis auspiciis incatur: tota punctores constat.

VIS te beatum facere, frugi ac sobrius esto: discere quod maximè artis est, inter epulas esurire: fuge *ἀσώτεια*, & varios missus qui excitant alliciuntque veluti præstigiis, captam appetentiam. Ad cibum & potum, vt vitæ, sic mortis viaticum, non tanquam ad vas implendum accedito, sed vt sumas parcâ quod satis est, manu, nec tam eorum vsu sis, quàm temperantia lætus. Summum bonum est nullo alimento egere, ab hoc proximum, quam-minimum requirere. Saluberrima vitæ forma est secundum naturam vivere: exiguum hæc desiderat, immensum opinio. Furor est tùm tam exiguum capias, cupere multum: cogita quàm paruum tibi sit corpus: sensus licet augeatur, non id tamen laxabitur: nos sæpe maiorem habemus famem quàm ventrem: hunc cum sale panis latrantem leniet, vel prima itatum facilè placaverit esca: si bene institutus est, non erit molestus interpellator: parvo dimittetur, si das illi quæ debes, non quæ potes, aut petit omnia: ne malè pateat, ipsi noverca sis oportet: ferè enim in hunc solâ peccator clementia. Hoc vnum est & quidem summum Medicorum præceptum, per quod semper careas Medico, nempe os regi patiens, domino pro centum Medicis est. Hac vna ratione quasi divina quadam virgula differtur, ac demum floridior contingit votis vel malignis nulli non optata senectus, quam suis *εὐπρεπὴς γερουσία*, Panacea, Mumiâ, & herbis Hermeticis, incombustis oleis, viuidis laticibus, arce-re falsò prædicant æquè mendaces ac creduli, putidique cinislonæ Chymistæ. Huius præsidij vim adversus cuncta vitæ incommoda, nec Moly Homericum, nec Plinij Theombroton, aut Dodecatheos vnquam aquaverint: nihil in illum licebit morbis, qui vltra quod suadet Sobrietas, nihil sibi licere putaverit. Non opus est tot glutire catapotia, tot lambere Syrupos, tot pharmaca, ac penè tot exhaurire pharmacepolia, vt fœda humorum saburra ingluviei soboles, & morborum parens exhauriatur coccis Cnidiis, helleboratis, scammoniatis, ac antimonio (diabolico inter remedia monstro) & aliis insensis, peregrinis, ac

sæpe adulteratis medicamentis, quæ purgari potius debeant, quàm vt tutò nostra purgare queant corpora. Intemperantium ista sunt, qui, ceu lineæ dum sapone & nitro detergentur, citiùs pertunduntur, cathartica sæpius forbendo, celeriùs deteruntur. Qui sobriè degit, nisi fortè sit ab ortu *ἀσπις*, & quasdam habeat causarias partes, tam vacat omni morbo, quàm humorum cœno; vt proinde nullo egeat medicamento. Si qua ex ictu vulnera, indeque vlcera facta sint, & citò & sponte coeunt. Pestis ipsa morborum caput quantumcumque sæuiat, æquè illum habebit eximium, quàm olim Athenis temperantem penèque divinum Socratem: scilicet aëris, loci, frigoris, æstus, externarumque causarum vis orunino elanguescit, vbi nihil adiuvant inquilini hostes, cibus & potus. Quinetiam sub hoc tranquillo corporis statu quæ sensuum iudicio iucunda sunt, magis oblectant, videnturque suaviora: quippe vt serenitas Alcyonibus, sic sanitas voluptatibus commodum præbet ortum: neque solum à parciori victu perbellè habet corpus, sed & optimè habet anima. Subtilis animus molenti ventris refugit, & corpore meliusculè habito ad cognatas illi actiones inclinatur: mens sicco corpore fulget vt stella nitido cælo; quòque ipsi minus est cum corpore commercij, minus inest & vitij: non dirumpitur ira, non movet iurgia, non coquit seditiones placidus & sui compos animus: non aestuat habendi desiderio, quem sustinet cibus nec corpori gravis nec patrimonio: non illum venus erubescendis adurit ignibus, qui vix libatis epulis, silentium indicit indignanti stomacho: amica castitati fames panem cogitat, non adulteria. Hanc morum innocentiam, innocenti victu tuebantur olim Christiani Anachoretæ. (vt in Palæstina Esseni, gens æterna, in qua nemo nascitur) ipso adhuc anno centesimo sani: venisset in cibum panis aut palua, quæ & vestitum præbebat: nam cocti aut calidi aliquid comesse, intercupedias erat, in potum hausta è proximo fonte frigida: à vino tam præcul aberant, quàm ab vitibus. Eiusdem frugalitatis tenacissimi primi, & à Deo recentes homines nongentos annos vivebant, carnis perinde ac fraudis nescij, sed his quæ Natura sponte tribuebat, contenti: nondum enim cogebatur suum sitientibus fundere sanguinem. Nos tam rigida ac pertinaci abstinentia, quæ priscos illos penè acernos & *χαλκίτρον* efficiebat, prætendimus mundi senium, sub quo nostra hæc tractari molliùs ætas imbecilla velit. Adeo nempe nostram amamus intemperantiam, eam vt excusare quàm excutere malimus: sicque plures interimat gula quàm gladius.

IN victu qui modum tenere nescit, & morbo tenetur, & vitio. Vt mollis educatio nervos omnes mentis & corporis frangit, sic vtriusque alacritatem minuit attentior parsimonia, quâ nonnulli malignè sanem extinguendo mugilis vitam agunt, glorianturque se non pasci toto asse. Squallorem appetere, faciles odisse munditias, vesci tetrus & horridis cibis, eius est qui Gratiis litavit nunquam: res delicatas prosequi, luxuriæ est; vsu receptas, nec magno parabiles fugere, dementia: frugalitatem exigimus, non peniam. Parca sit, sed nitida cœna, cuius præcipuum condimentum sit amicus, cum quo riges diffundasque amicitiam, minus ventre quàm animo conuiua. Cibus tibi sit panis, si non alius, vulgi, & si licet, procerum. Obsonia si lubet, inferantur aliqua, non hominû opinione cara, non per artem voluptatèque corrupta, sed stomacho magis quàm palato amica: sua illis non decrit gratia, modò non de-

sint Spartana aromata, his quæ ab Indis advehuntur, longè salubriora: nihil contemnit esuriens, nec est ambitiosa fames, ipsa tibi commendabit quoddumque comprehenderis. Vis mente & corpore acutiùs cernere, vis sapere, omnemque stultitiæ mixturam effugere, bibas aquam, Sapientiæ fomitem: nutrit illa, coctionem iuvat, viuidos facit sensus, acre iudicium, limpidum & studiis aptum ingenium, adeoque ut animantibus, imò & viucentibus omnibus, sic cuiuslibet ætatis, sexus, & temperamenti hominibus *apivici*. Vinum conuiuij coagulum, lac veneris, hilaritatis seminarium, quo nihil est iucundius, quo nihil melius dedit Natura hominibus, voluptatis, non necessitatis potus est, sed dolosus luctator, hepar captat primùm, mox caput atque pedes: splendet color eius, sed statim mordet ut coluber, & tanquam regulus venenum suum in totum corpus diffundit. Abeo non solos Reges, sed etiam, si quisque sibi rex esse debet, ceteros homines abstinere satius foret: quamquam conferre creditur aliquibus exinio quidem ingenio, sed dum sicci sunt, minùs audaci, & quasi concreto, qui cùm ad pocula ventum est, tanquam miniati Ioues, thuris in morem à calore correpti exhalant. Merum nulli non noxiùm, quò potentius, hoc nocentius: mel est ori, fel capiti, sapit in ore, ardet in ventre, funat in capite, sui que amantissimis tandem iugulum petit. Mirum quod cùm vix ferendo sint sanorum robustissimi, nonnulli tamen qui pari inscitia & impudentia Medicorum auctoritatem arripiunt, agris quali per se non satis sufficiat, etiam venenato stibio infectum propinant: ac si qui fati ope euaserint, ceu bina hæc venena iuuerint (ò mores! ò tempora!) inter remedia, si Diis placet, annumerantur. Quæ virgo nymphas deserit amore Bacchi, dat tibi certum breui peritura virginittis indicium: & quæ ætatis florem marito prestituit, quò magis vino dedita, hoc minùs pudica: pueris & infantibus ne dilutum quidem dederis. Senes quò ætate proveciores, tantò dilutiùs bibant, tandèque metæ proximi, solam aquam. Adolescentibus & iuuenibus suave toxicum est, quo liberaliùs epoto, eorum medullæ velut admotis facibus inflammantur, Æthiæ amoris igne astuant: tunc placet iucundum nefas, oculi institores exaetoresque libidinis, ad omnem lasciviam vagi euolant, petulantissimæ manus omnem verecundiæ legem perfringunt, tunc rabie iecur incendente libido, quæ visum est, sese impingit, nec iam fortim, sed palam illa sunt, quibus abscondendis nulla sit satis alta nox: tam præceps est gradus à Libero patre ad lumbisfragam Venere, solâ vini fugâ, & gulæ castigatione domandam. An verò accuratam hanc victus rationem quam Principum Medicorum lex sanxit, quisquam nunc ad vnguem obseruat: quousquisque iam in vitæ suæ rationem inquirat? Rara nunc constans & firma sanitas, quia rara Sobrietas, quantùsque nostro seculo in hoc vnum ingenioso succrevit luxus, tanta & morborum incubuit cohors. In tam amabili ferculorum serie si quis iam est, qui non rapiatur extra metas necessitatis, is profectò magnus est. Totus Orbis duo Numina colit, Eduliæ & Potinæ: Iurcones jam passim grassantur innumeri, quorum corpus est in sagina, animus in iracine. A fello similes cor habent in ventre, ad omnia fercula manibus involant: summa curarum est, quid edant, quid bibant, vel eorum iri somnia cibi sunt: perinde vorant, ac si lupum in aluo gerant, cum cruditate dissiliunt, ac penè saturitate crepant: quæritur irritamenta quæ pigritiam nauseantis stomachi erigant, & fessum os, in novos morsus excitent.

Tanto alii languore solvuntur, ut per se scire non possint, an esuriant: adspice quàm tangant malè singula dente superbo, quàm difficilis crescat inter molares cibus: his opus est quidquid habet artis, expromat coquus: ut obtulus appetitus famis aliquid sentiat, ut per deceptum guttur traiciatur alimentum, hac qua intraverat, facilè rediturum, sed non sine bile regustandum. Tantum negotii exhibet pessimum corporis vas, cujus causà maxima pars mortalium vivit, & perit miserè. Heu, prodigia gulæ! feris ad alimoniam solitudo sua, multis elephantis vna sylva sufficit: homo terrà pascitur & mari: inò sibi bene esse non putat, nisi ad delicias totum mundum irreat. Est vbi provinciarum tributum vni homini vna cœna fit, nec satis lauta videtur mensa, supra quam non recognoscit omnium gentium animalia, è singulis certa tantum electurus membra, adeo nulla his est nisi ex fastidio pax. Non sapit caro bubula, agnina, ovilla, hædina, vitulina, nisi exotico jure perfusa: lepus, dama, pygærgus, aper, cervus, & quidquid animalium sylvas & agros pererrat, in mensas extrahitur; advolant & omnis generis altilia, Scythicæ volucres, attagenæ, Itonicus, perdices, meleagrides, gallinæ Numidicæ, Africanæ ficedulæ, gallinagines, quibus & comes est, pinguibus fisis pastum jecur anseris albi. Aqua ipsa suppeditare iubetur, quos celat pisces, lucium, barbatulum, mullum, rhombum plusquam Cæsareum, & paucorum hominum Acipenserem, reliquos denique non tam sapore, quàm parandi difficultate pretiosos, sæpe in plenum carnibus ventrem deiciendos. Etiam ostrea maris tubera, naufragio exquiruntur; nec admodum placent nisi Lucrina: neque dubiis cœnis desunt accipites fungi, quibus vel pratensis malè creditur; cùm id voluptuarii veneni sœvit in præcordiis, ne ferendo quidem sint dura mellorum ilia. Ne non omni ex parte Cupedia parentetur, hæc opiparas mensas claudunt fructus innumeris, crudi, cocti, conditi, multo saccharo adulterati: vnde molesta bilis congeries, & novus excrementorum proventus, melimela, artolagana, scitamenta mellita, & aliæ nebulae, stomacho graves, & coctioni impares. Quod si tanta in cibo licentia, non minor est in potu. Servatur algor æstibus, excogitaturque, ut alienis mensibus cœlestis aquæ spuma nix algeat: eò processit vitiolorum solertia, ut compertum sit quemadmodum aqua quoque inebriaret, quantum major pars hominum vini dulcedine capti, non aliud vitæ præmium intelligunt: pauci nunc, & qui ferè rideantur, abstemii, multi popinones & *καλινδοι*, tanquam ad perdenda vina geniti, pecude deteriores, seipsos ad bibendum stultissimè cogunt: isti hominēsne, an potiùs amphoræ, rapere se vitam prædicant, dum falsa inter gaudia, totos sæpe dies ac noctes sedent ad pocula, hesternæ temulentia novam adiiicientes, sed crapulam crapulâ, ut aiunt discussuri: Iuvat hilarem insaniam insanire, ac per iocum furere. Ad hæc Bacchi pervigilia sacramento dexterarum fidem suam obligant, ne quis exeat, & signa deserat, standum & pugnandum advsque guttam ultimam: in hoc Dionysiacò agone certa bibendi lege contenditur: qui possunt vincere, laudem merentur ex crimine: palmam referunt qui inter plures ultimi sunt ebrij, qui se præbent meri capacissimos, hoc solo tristes quod ab ipsis vincantur dolij. Sed ô barbaram libidinem! ô monstrosam penèque incredibilem ebrietatis amorem! & ipsi populi vitibus vinoque carentes inebriantur, Indi, Persæ, Massagetae, Tartari, Sinenfes, Americani, novis quibudam potuum generi-

bus excogitatis, ebrietatem inducentibus, et si vino careant: adeo ut nulla mundi parte videatur cessare ebrietas. Quid quod homo sacra res, & *divæ emporis* potitando seipsum iugulat? ac sæpe anginâ vinariâ præfocatus conditur tumulo, antè toties decumanis meri fluctibus obrutus. Planè vino nihil inest boni præter veritatem, cui detegendæ lene tormentum est, scelorum aliqui malorumque omnium metropolis, & parens quarumlibet egritudinum, quibus plerumque sola medeatur mors, nisi priùs medeatur abstinencia.

BONO itaque loco sunt res eorum qui ab ingluvie, qua nulla hominum generi capitalior pestis, & à pernicioso gulæ obsequio liberi, non plus indulgent corpori quàm tuendæ valetudini satis est; quippe ut intemperantiæ culpam pœna premit comes, catenata videlicet morborum series, aut tam merita quàm immatura mors: sic pro frugalitate messes opimam metunt, verumque robur colligunt sobrii, qui corpore animoque præstantes, voluptatem quæ inter cibi potusque delicias capitur, brevem, exitu sædam dolorique cognatam pensant longa iucundaque sanitate. Præluce in eorum vultu totòque corporis habitu, color quidam eximius, nitòrque vires, & senii nescius, mens ipsa læta & alacris suum vigorem veluti transfundit in corpus, omnibus vitæ muniis optimè comparatum; nullus molestiæ, nullus dolori locus. Tam procul absunt ab omni egrotandi periculo, ut si qua olim morbi semina à parentibus vel natura invalidis, vel parum cautè viventibus traxerint, contrariante partium robore, & legitima victus lege vaneſcant. Hos ne senectus quidem quæ solvit omnia, frangit, in ipso ætatis portu vegetissimi apparent, oculi puro lumine vigent, pedes certa imprimunt vestigia, liquidus est & penetrabilis auditus, dentes candidi & immoti, vox sonora, corpus solidum succique plenum, cani cum rubore discrepant, vires cum ætate dissentiant, non memoriæ tenacitatem antiquior senectâ dissolvit, non calidi acumen ingenii frigidus sanguis obtundit, non tremula manus errantem incerto tramite stylum ducit; adolescentiam mentiuntur in senectute, à qua solam habent prudentiam. Ad bonæ valetudinis conservationem non tam multa requiruntur: Natura paucis contenta est: homini sapere cupienti panis & aqua sufficiunt: quibus si quid exiguum addideris, poterit ille cum Iove de felicitate certare. Polyphagia & Polypofia, crede mihi, consuetudinis res est, non Naturæ. Qui paucò vino vititur, eoque dilutissimo, ille vitam suam amat, & infinitis seipsum beat commodis: ex eius abusu, maximorum morborum ilias profluit, calidi innati substantiam minuendo, humidum priniigenium dissipando ac exorbendo. Vinum dubius est amicus, & anceps Proteus, bonum præsens exitum, malum emergens gravissimum: vitam facit alacriorem ac vegetiorem, sed breviorcm: idemque præstat corpori quod calx ad arboris radicem conspersa, fructum quidem accelerat, arborem autem perimit, ita vinum suscitato calore, spiritus facultatesque erigit, mortem verò maturat, dum infinitos affectus inuchit, nullâ ferè Herculis clauâ debellandos: apoplexiam nullo emeticorum usu curabilem: epilepsiam (quæ propriè non est convulsio) nullâ pœoniâ, nullo amuleto superabilem: paraly sin, quæ nullis innotat sudorificis: ephialtem, falsò dæmonas mentientem: rheumatismum, qui fit per *ταυρωσιν* & *εὐκαρίων*, antiquis penè ignotum, cuius ut & synochorum Galeni, summa remedia sunt venæ sectio & frigida potus: Anginam, cui non melius succurri-

8 *Qu. Med. Lut. Par. agitata 1647. Etsi longa ac incunda vita tuta certaque, etc.*
 tur, quàm iugularium sectione: pestilentes, purpuratas malignasque febres,
 quibus nihil auxiliantur bezoïar, idolum fatuorum: Theriaca, compositio
 luxuriæ: Mithridatium, herbarum deforme chaos, rudis indigestaque moles
 multorum simplicium, nimio fervore, acrimoniâ vel malignitate, natio ca-
 lori aduersantium: confectio Alkermes & de Hyacintho, Diamargaritum, &
 aliæ putidæ Arabum quisquiliæ, quæ non magis profunt ad eiusmodi affectuû
 curationem, quàm calx aut cinis, inanisque pulvis, cum sint meræ nugæ, ab
 ignaris nebulonibus confictæ, & in sanctissimæ nostræ Medicinæ sacratium
 malis artibus & infauitis aubibus deportatæ: peripneumonicos affectus, nullis
 cedentes Arabum syrupis, bechicis frustra nuncupatis: phthisin nullo lacte,
 nequidem muliebri, sanabilem: asthma, in quod aquarij nihil possunt asellij
 imò plusquam aselli sunt, qui præscribunt: hydropem, vt plurimum à causa
 calida, nec semper ab hepate, qui nullo hydragogorum vsu tollitur, vt nec pa-
 racentesi: calculum renum, quem dum caput vteris tentat, doloresque ciet
 atrocissimos, nihil promouet diureticorum vis ignea: aut vesicæ, qui nullis im-
 minuitur aut frangitur lithonripticis: dysenteriam, quam irritant Rheum
 costum & myrobalani, tollit autem venæ sectio: fluxum hæmorrhoidalem,
 quem aquæ potus imminuit, purgatio tollit: chiragram & podagram, *tu exora*
M. raxâs e' xortur. Quod si tandem eò venerint, quò vel cunctantibus veniendum,
 tam placidè è viuis excedunt, vt obdormire, non emori videantur, per beatam
 & auream frugalitatem, famosæ illius veterum Principum, à tam multis fru-
 stra concupitè *i' d'araciat* participes facti. Quid multa? non solum nobis, sed
 & posteris quoque nostris temperanter viuendo consulimus: nam & Ipem
 vegetæ proles auget hominum bona nutrix Sobrietas, vt si creandis liberis in-
 cumbatur, dum validum fœcundumque semen, & tenacem reddit vterum pul-
 chra ac numerosa prole beatos faciat parentes, postquam ipsi sani diutissime
 vixerint, suis adhuc in liberis diu victuros. Denique, nulla calamitate vel
 ærumna premetur vniquam, qui vitæ fundamentum iecerit Temperantiam.

Est igitur longæ ac incundæ vitæ tuta certaque parens Sobrietas.

Proponebat Lutetiæ Parisiorum IOANNES DE MONTIGNY,
 Abrincensis, Anno R. S. H. M. DC. XLVII.

LUTETIÆ PARISIORVM,

Prostant Exemplaria apud NICOLAVM BOISSET, Typographum,
 in Platea Malbertina, ad insigne D. Stephani. 1648.

*cette thèse est de 1647. Du tome VI du recueil
 inséré de thèses de la faculté. —*